

Հայաստանի Հանրապետության Արագածոտնի մարզպետարանում 28.12.2013թ. տեղի ունեցած մարզխորհրդի նիստի

**Մասնակցում էին՝**

- Ն.Մովսիսյան** մարզպետի տեղակալ
- Մ.Աբգարյան** մարզպետի տեղակալ
- Հ.Գևորգյան** մարզպետարանի աշխատակազմի ղեկավար
- Ռ.Մկրտչյան** մարզպետարանի աշխատակազմի ղեկավարի տեղակալ
- Հ.Օհանյան** ՏԿՆ ներկայացուցիչ
- ՀՀ Արագածոտնի մարզպետարանի աշխատակազմի կառուցվածքային ստորաբաժանումների ղեկավարներ
- ՀՀ Արագածոտնի մարզի համայնքների ղեկավարներ

**Օ Ր Ա Կ Ա Ր Գ ՈՒ Մ**

1. ՀՀ Արագածոտնի մարզի համայնքներում 2013թ. սեփական եկամուտների հավաքագրման և նախորդ տարիներին գոյացած աշխատավարձերի և սոցվճարների պարտքերի մարման գործընթացի տարեկան արդյունքների մասին/ զեկ. Մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ն. ԳԱԼՍՅԱՆ /:
2. ՀՀ տարածքային կառավարման նախարարության կողմից ՀՀ Արագածոտնի մարզի համայնքներում իրականացված համայնքային ծառայության գործավարչության ուսունասիրության արդյունքների մասին /զեկ. ՏԻՄ վարչության պետ Ա. Հովսեփյան/ :
3. Բնակչության ռեգիստրում մարզի համայնքների բնակչության հաշվառման խտրիրների մասին / զեկ. ՏԻՄ վարչության պետ Ա. Հովսեփյան/:
4. ՀՀ Արագածոտնի մարզպետ Ա. Սահակյանի զեկույցը մարզի 2013 թվականի սոցիալ-տնտեսական իրավիճակի , կատարված աշխատանքների և 2014 թվականին կատարվելիք աշխատանքների մասին:  
 Մարզպետ Ա. Սահակյանի շնորհավորական խոսքը մարզխորհրդի անդամներին՝ 2014 թվականի Ամանորի և Սուրբ Ծննդյան տոների կապակցությամբ:

Մինչ օրակարգային հարցերին անցնելը, փոխմարզպետ Նուսե Մովսիսյանը ներկայացրեց. «Անալիտիկ» կենտրոնը ղեկոտմբերի 27-ին ամփոփեց «ԱՍ» քաղաքական-հասարակական մրցանակաբաշխության արդյունքները, համաձայն որի „Տարվա լավագույն մարզպետ,, անվանակարգում լավագույն մարզպետ Է ճանաչվել Արագածոտնի մարզպետ

Սարգիս Սահակյանը: Նա «Անալիտիկ» կենտրոնի հիմնադիր-տնօրեն «ԱՍ» մրցանակաբաշխության կազմակերպիչ Անի Հովհաննիսյանի կողմից մարզպետին փոխանցեց մրցանակը եւ վկայականը: Սա պատահական արդյունք չէ: Սարգիս Սահակյանը կանգնած է մարզպետարանի կայացման ակունքներում: 1996 թվականից ի վեր մարզպետարանի աշխատակազմում է, նախ՝ որպես գյուղատնտեսության եւ բնապահպանության վարչության պետ, ապա՝ 7 տարի եղել է փոխմարզպետ, իսկ 2009 թվականից սկսած ղեկավարում է մարզը:


Այնուհետեւ մարզպետը „ Հայ ասպետ,, ինտելեկտուալ խաղի հաղթող Աշտարակի Ն. Աշտարակեցու անվան դպրոցի տնօրենին հանձնեց մրցանակը:

Այս տարի մարզի համայնքները հաջող արդյունքներ են գրանցել սեփական եկամուտների կատարման ուղղությամբ: Այս մասին ասաց ֆինանսական եւ սոցիալ-տնտեսական զարգացման վարչության պետ Նորայր Գալստյանը: Դեկտեմբերի 27-ի դրությամբ սեփական եկամուտները կատարվել են 91,2 %-ով: Մինչեւ տարեվերջ առաջ թվերը վստահաբար աճելու են, եւ ընդհանուր ցուցանիշի աճ կլինի:

Տարեվերջյան ամփոփիչ հաշվետվությամբ հանդես եկավ Սարգիս Սահակյանը: Նա շնորհակալություն հայտնեց «Անալիտիկ» կենտրոնի մրցանակաբաշխության „Տարվա լավագույն մարզպետ,,-ի հաղթանակի համար, նշելով, որ դա բոլորի, թե մարզպետարանի աշխատակազմի, թե համայնքների, դպրոցների, մարզային տարբեր կառույցների եւ կազմակերպությունների ղեկավարների համատեղ ձեռքբերումն է: Այնուհետեւ որոշակի օրինակներով նշեց արձանագրված ձեռքբերումները:

Մարզպետ տեղեկացրեց, որ 2014 թվականին բազմաթիվ նոր ծրագրերի ու նախագծերի իրականացում է նախատեսվում: Այդ նպատակով նա կլոր սեղանի շուրջ տարեվերջին հանդիպում է ունեցել ավելի քան 26 միջազգային եւ տեղական տարբեր կազմակերպությունների, հիմնադրամների, ծրագրերի ղեկավարների հետ, եւ ձեռք են բերվել բավականին ընդգրկուն պայմանավորվածություններ:

Սարգիս Սահակյանը լավագույն ձեռքբերումներ ունեցած համայնքների ղեկավարներին հանձնեց պատվոգրեր եւ շնորհավորեց բոլոր համայնքատետերին, մարզխորհրդի նիստի մասնակիցներին՝ Նոր տարվա եւ Սուրբ Ծննդի կապակցությամբ:

 Ս.ՍԱՀԱԿՅԱՆ